

# POSITIONES,

DE QUIBUS,

CONS. AMPLISS. FACULT. PHILOS.  
IMP. UNIVERS. LITT. ABOËNS.

STIPENDIARIOS EXERCENDI GRATIA

PUBLICÈ DISPUTATURUS EST

*Mag. FREDR. WILH. PIPPING,*

HIST. LITT. PROF. P. O., PRAEFECTUS BIBLIOTHECAE

ATQUE UNIVERS. H. A. RECTOR,

RESPONDENTE

*ERICO FROSTERO,*

Stipendiar. Publ. Ostrob.

In Auditorio Philosoph. die XII Maji a. MDCCCXXIV,

horis a. m. confvetis.

---

A BOË, Typis FRENCKELLIORUM.



### *Thesis I.*

**P**rolixam Historicorum rationem, qui in vitis, cogitatis, dictis scriptisque singulorum hominum contemplandis, quorum opera aliquid aliquando creverit vel disciplina bonarum artium quædam, vel universum litterarum studium, versantur, parvi habentes, sunt qui Historiæ litterarum Universalis scriptori in illis similibusque specialis narrationis momenti subsistendum omnino non esse existiment, si uno judicio comprehendendos litterarum per sæcula progressus serie nunquam rupta exponere, plenamque adeo ac perspicuam generis nostri, præstantissimarum quibus naturæ gaudet beneficio facultatum cultura sibi prospicere studentis, speciem reddere velit, unde quantum in cognitione rerum necessaria atque vere frugifera profecerimus, facili negotio colligere liceat. Quemadmodum autem regionis cujusdam imaginem in tabula delineaturus vivam nemo, consideranda quævis nudis verborum signis denotat, sed campos, arva, prata, silvas, montium jura, amnes, lacus & cætera, quibus vel natura terram eam distinxit, vel industria humana ornavit, suis formis dignoscenda justo ordine depicta sistit; ita fidem narrationis facturus qui fata litterarum persequitur, non sua de conatis quibusvis aliorum, in scientia humana amplificanda certioreque reddenda conspicuis, judicia interponat, quin ipsos agentes velut ac loquentes posteritatis judicio æstimandos committat.

*Thes. II.*

## *Thef. II.*

Haud minoris vero cum sit prudentiæ atque sagacitatis, videre ne placitis aliorum justo plus tribuamus, quam a proprii iudicii iniquitate in rebus iisdem æstimandis cavere; in utramque partem haud raro peccatur, cum ab iis, qui Historiæ litterarum omnes numeros obire se putant, dictorum, factorum scriptorumque notatione cumulatisimam doctorum hominum quorumvis exhibentes vitæ memoriam, tum præpostero eorum consilio Historicorum, qui omnia ad suum referentes arbitrium, & de iis tantum quæ sibi maxime placuerint delibantes aliquid, papilionum instar carissimos sibi flores osculantium, per campum Historiæ qua lætissime patet amplissimum passim volitant, neglectis quæ ut multi sudoris atque plurimæ operæ sunt, ita levem jucunde pascere animum non valent.

## *Thef. III.*

Insitiandum tamen non est, ipsam rerum commemorandarum copiam, & huic amplectendæ aut nunquam aut raro parem facultatem humanam, vel consummatæ sapientiæ sincerissimæque fidei scriptori difficultates obstruere gravissimas, quibus impeditus universam litterarum Historiam conditurus vix ac ne vix quidem sine offensione se expedire valet. Acerrimam ut taceamus ingenii vim amplissimamque eruditionis copiam, quibus instructum esse oportet eum, qui immensam rerum illarum varietatem æquo simul atque certo æstimare poterit iudicio, adeo ut graviora necessariaque a levioribus facileque mittendis discernens, nec nimis, nec parum, vel rebus enarrandis, vel sibi, vel etiam aliis ex suo ingenio eas judicantibus, tribuat; operis etiam quantum fieri possit, oculis in meta indefinenter fixis, ita maturandi necessitas, ut nexum omnium memori recondendorum animo longioris non solvat demonstrationis mora, facile impedit quominus accurata satis explicatione singula illustrentur, quæ minus quidem clarum occupantia locum, parum inter cætera eminent, sed maxime tamen necessaria sunt, ut in ordine eventuum constituendo, ita ad plenam horum notionem animo informandam,

## *Thef. IV*

#### *Thef. IV.*

Mirandum igitur neque est, in notandis litteratorum hominum dictis factisque, ad faciem hujus vel illius scientiæ mutandam conferre visis, perquamdiu occupatos Historiæ Litterariæ scriptores, sero admodum animum applicuisse ad condendam Historiam Universalem, quæ ab incunabilis litterarum ad nostra hæc tempora sæculorum decursibus deducta, omnes ætates, gentes atque disciplinas, nec non omnia quæ ad studium litterarum vel promovendum vel retardandum momentum aliquod attulerint, complecteretur.

#### *Thef. V.*

Quemadmodum autem unius vix est hominis, tantam plurimarum disciplinarum atque rerum ad intelligentiam earundem facientium diversitatem scientia percipere, quanta Historiam talem litterarum Universalem suoapte ingenio suaque cognitione & experientia ducibus contexturo consideranda est; ita paucorum quoque hominum, fata litterarum scire cupientium, interest per omnem singularum artium copiam vagari, sed plurimos juvat, vel studio earum omnium quantum debeat ad cultum atque humanitatem tendens genus mortalium, vel vices quarundam sibi maxime arridentium, discere. Quare in id maxime entendum est ei, qui in hoc scribendi genere versetur, ut facilem conspectum studii, in generis nostri salute litterarum ope promovenda positi, præbeat.